



Broj: 12-11-15-1568/20
Sarajevo, 29. 7. 2020. godine

Na osnovu člana 21. stav 1. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06) i člana 70. Zakona o javnim nabavkama („Službeni glasnik BiH“, broj 39/14), generalni revizor donosi

ODLUKU

o izboru najpovoljnijeg ponuđača u konkurentskom postupku za nabavku kompjuterskog materijala, kertridža za kolor štampač HP WidePage Pro 477dw

I

Najpovoljnijom ponudom u konkurentskom postupku za javnu nabavku kompjuterskog materijala, kertridža za kolor štampač HP WidePage Pro 477dw, za potrebe Ureda za reviziju institucija u Federaciji Bosne i Hercegovine, ocjenjuje se ponuda ponuđača Defter d.o.o. Sarajevo, čija ukupna cijena iznosi 1.072,80 KM bez PDV-a.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

U skladu sa članom 70. stav (6) Zakona o javnim nabavkama, Ured za reviziju institucija u Federaciji Bosne i Hercegovine će ovu odluku objaviti na internetskoj stranici www.vrifbih.ba, istovremeno s upućivanjem odluke ponuđačima koji su sudjelovali u postupku javne nabavke.

Obrazloženje

Odlukom generalnog revizora broj: 12-11-15-1151/20 od 11. 6. 2020. godine, pokrenut je postupak javne nabavke kompjuterskog materijala, kertridža za kolor štampač HP WidePage Pro 477dw za potrebe Ureda za reviziju institucija u Federaciji Bosne i Hercegovine putem konkurentskog zahtjeva za dostavu ponuda.

Za provođenje predmetnog postupka nabavke Rješenjem generalnog revizora broj: 12-11-15-1151-1/20 od 23. 6. 2020. godine imenovana je Komisija za nabavku kompjuterskog materijala, kertridža za kolor štampač HP WidePage Pro 477dw (u daljem tekstu: Komisija).

Na Portalu javnih nabavki 1. 7. 2020. godine objavljeno je Obavještenje o nabavci broj: 296-7-1-14-3-22/20.

Zajedno sa objavljivanjem Obavještenja o nabavci na Portalu javnih nabavki, upućena su tri poziva ponuđačima za preuzimanje konkurentskog zahtjeva u sistemu e-nabavke.

Na osnovu Obavještenja o nabavci i Tenderske dokumentacije, Komisija je u skladu sa Zakonom o javnim nabavkama („Službeni glasnik BiH“, broj 39/14, u daljem tekstu: Zakon) izvršila otvaranje ponuda, što je evidentirano u Zapisniku o otvaranju ponuda, te u daljoj proceduri, u skladu sa članom 65. Zakona, pristupila pregledu i ocjeni ponuda, što je konstatovano u Zapisniku o pregledu i ocjeni ponuda (u daljem tekstu: Zapisnik), broj 12-11-15-1151-16/20 od 28. 7. 2020. godine.

Komisija je u postupku ispitivanja i ocjene dostavljenih ponuda i ocjene njihove kvalifikacije u Zapisniku broj: 12-11-15-1151-15/20 od 24. 7. 2020. godine konstatovala da:

„ 1. Ponuda ponuđača Defter d.o.o. Sarajevo ispunjava zahtjeve tražene Tenderskom dokumentacijom.

2. Ponuda ponuđača TELNET d.o.o. Sarajevo nije ispunila zahtjev iz tačke 6.1. Tenderske dokumentacije („Nacrt ugovora“) u kojoj je između ostaloga propisano: „Ponuđači su dužni uz ponudu dostaviti Nacrt ugovora u koji su unijeli podatke na način da su popunili sva predviđena mjesta u Nacrtu, te isti potpisali“. Uvidom u dostavljeni Nacrt ugovora ponuđača TELNET d.o.o. konstatovano je da ponuđač nije popunio mjesto predviđeno u članu 5. stav. 3. Nacrta ugovora što je vidljivo na stranici 6 ponude.

Nacrt ugovora sastavni je dio Aneksa II Tenderske dokumentacije, te je tačkom 4.1. Tenderske dokumentacije (Sadržaj ponude) podtačka b) zahtijevano da: „Ponuda ponuđača mora sadržavati najmanje:...b) Popunjen, potpisan i ovjeren Obrazac za ponudu - Aneks II (Obrazac, Izjava, Nacrt ugovora)“.

3. Ponuda ponuđača Alf-om d.o.o Banja Luka nije ispunila zahtjeve tražene Tenderskom dokumentacijom kako slijedi:

- Nije ispunjen zahtjev iz tačke 2.3. Tenderske dokumentacije („Obrazac za cijenu ponude“), u kojoj je, između ostaloga, propisano: „Ponuđači su dužni dostaviti u cijelosti popunjen Obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.“ Uvidom u ponudu ponuđača Alf-om d.o.o. Banja Luka konstatovano je da u Obrascu za cijenu ponude nije upisan broj ponude što je vidljivo na stranici 13/94 ponude.
- Nije ispunjen zahtjev iz tačke 4.1. Tenderske dokumentacije (Sadržaj ponude) podtačka j) kojom je propisano da: „Ponuda ponuđača mora sadržavati najmanje:...j) „Dokumentacija zahtijevana tačkom 5. od a) do f) tenderske dokumentacije. Uvidom u ponudu ponuđača Alf-om d.o.o. Banja Luka konstatovano je da u ponudi nisu dostavljene izjave tražene tačkom 5. podtačka a), b), c), d) i e) Tenderske dokumentacije.“

Komisija je generalnom revizoru dala prijedlog:

„Članom 89. stav (3) Zakona o javnim nabavkama propisano da: „Kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od 10 dana od dana okončanja postupka javne nabavke.“

Uzimajući u obzir da je ponuda ponuđača Defter d.o.o. Sarajevo, ocjenjena kao prihvatljiva Komisija za nabavku generalnom revizoru predlaže da u postupku nabavke kompjuterskog materijala, Kertridža za kolor štampač HP WidePage Pro 477dw za potrebe Ureda za reviziju institucija u Federaciji Bosne i Hercegovine donese Odluku o dodjeli ugovora ponuđaču Defter d.o.o.“

Imajući u vidu konstatacije iz Zapisnika, prihvaćen je prijedlog Komisije, te je odlučeno kao u dispozitivu ove odluke.

Pouka o pravnom lijeku: Ponuđač koji smatra da je Ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.

Žalba se podnosi Uredu za razmatranje žalbi putem Ureda za reviziju institucija u Federaciji Bosne i Hercegovine, Ložionička broj 3, 71 000 Sarajevo, u pisanoj formi u tri primjerka, u roku od 5 dana od dana prijema ove odluke.

U skladu sa članom 108. Zakona o javnim nabavkama, podnosilac žalbe je obavezan platiti naknadu za pokretanje žalbenog postupka.

Uplata naknade vrši se u skladu sa instrukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj 86/14)

Dostaviti:

- Defter d.o.o. Sarajevo;
- Telnet d.o.o. Sarajevo;
- Alf-om d.o.o. Banja Luka;
- a/a.

GENERALNI REVIZOR

Dževad Nekić

